



98210

欽定續通典卷七十一

禮

三恪二王後

五代

宋

金

元

明

臣

等

謹按三恪二王後之說經無正文鄭康成據

樂記武王克商封黃帝堯舜夏殷之後謂杞宋為

二王後祝薊陳為三恪杜預據左傳以備三恪之

文謂周封夏殷二王後又封舜後并之為三恪兩

說不同崔靈恩三禮義宗主鄭氏說而杜佑非之

謂尊賢不過二代黃帝堯舜自以功德崇深特封

欽定續通典

卷七十一

一

其後非古今通法故累朝皆以三代為三恪其說

近是然推古制禮之意蓋以虞夏由於受禪湯武

起自藩臣於勝國子孫禮宜優異且歲首迭用二

正樂懸具陳六代文質損益不可偏廢故必兼存

三統以備一王之制自封建改為郡縣革命之事

已異古初自不必更沿三恪之舊而魏晉以降猶

相承不改者則以既假禪讓之故事不得不修備

恪之空文然名雖託於寶王實則同於幽禁揆諸

古昔隆禮先代之指相去絕遠若宋承周禪惟立

周後不及前代且全郭氏而立柴宗讓者多訾其  
失元之瀛國公明之崇禮侯雖加封爵而未聞世  
及恩亦浸薄洪惟我

太祖

太宗肇基東土功德綿長及明莊烈之末流寇作難神器

不守我

世祖章皇帝命將專征殲除巨憝撫一中外傳祚萬世昔  
人謂三代以下惟漢與明崛起編戶較之晉隋唐  
宋爲得其正然漢高帝明太祖雖未臣事於秦與

欽定續通典

卷七十一

二

元猶在食毛踐土之列揆之大義不無間然我

朝於明本爲敵國至明季國祚已移中原無主然後

王師翦除流賊且爲明之臣民雪不共之恥初非取天

下於明也是則推得統之正不惟遠逾唐宋抑且

度越漢明豈於明之後裔猶當有賓禮待之之義

然猶追念前代恩禮頻加逮我

世宗憲皇帝御極之初仰承

聖祖仁皇帝成命訪求明裔爵之通侯世世罔替我

皇上肇錫嘉名寵以延恩侯之號俾與五等諸藩並荷

榮封而永苗裔蓋禮以義起迥非三恪作賓之文  
所可同年而語矣爰因敘賓禮而并析其義云

梁太祖開平二年以唐宗室子鴻臚卿李從封萊國公  
爲二王後時中書門下奏萊國公李從合於西都選地  
建立三廟以備四仲祠祭每祭仍令度支供給祭料從  
之是時禮儀使又奏唐朝以魏元氏子孫封韓國公爲  
三恪以周宇文氏子孫封介國公隋楊氏子孫封鄴國  
公爲二王後今國家受禪封唐李氏宗室子李從爲萊  
國公今請以介國公爲三恪鄴國公萊國公爲二王後  
欽定續通典

從之

晉高祖天福二年勅周以杞宋封夏殷之後爲二王後  
兼封舜之後爲二恪唐以周隋之後封公爲二王後又  
封魏之後爲三恪宜於唐朝宗屬中取一人封公世襲  
兼隋之鄴國公爲二王後以後周介國公備三恪主祀  
及赴大朝會委所司具典禮申奏其唐朝宗屬中舊在  
朝及諸道爲官者各據資歷考限滿日從品秩序選已  
有出身仍令參選四年勅以郇國三千戶封唐許王李  
從益爲郇國公奉唐之祀服色旌旗一依舊制以西京

至德宮爲廟牲幣器用祭服悉從宮給

按梁晉皆以唐及隋爲二王後

通周後爲三恪

漢高祖天福十二年夏五月甲午以郇國公李從益知南朝軍國事

宋太祖建隆元年正月詔曰封二王之後備三恪之賓

所以示子傳孫興滅繼絕夏商之居祀宋周隋之啟介

鄫古先哲王實用茲道矧予涼德歷試前朝雖周德下

衰勉從於禪讓而虞賓在位豈忘於烝嘗其封周帝爲

鄭王以奉周嗣正朔服色一如舊制又詔曰朕唯眇躬

欽定續通典

卷七十一

四

建事周室謳歌獄訟雖歸新造之邦廟貌園陵豈忘舊

君之禮其周朝嵩慶二陵及六廟宜令有司以時差官

朝拜祭饗永爲定式仍命周宗正卿郭玘行禮仁宗天

聖六年錄故虢州防禦使柴貴子肅爲三班奉職七年

錄故太子少傅柴守禮孫詠爲三班奉職其後又錄柴

氏之後曰熙曰愈曰若拙曰上善並爲三班奉職曰餘

慶曰誠爲州長史助教曰貽廓等十一人復其身仍各

賜錢一萬又錄世宗曾孫揆柔及貴曾孫曰宣守禮曾

孫若訥皆爲三班奉職嘉祐四年著作郎何鬲言舜受

堯禹受舜之天下而封丹朱商均以爲國賓周漢以降  
以及於唐莫不崇奉先代延及苗裔本朝受周天下而  
近代之盛莫如唐自梁以下皆不足以崇襲臣願考求  
唐周之裔以備二王之後授以爵命封縣立廟世世承  
襲永爲國賓事下太常議曰古者立二王後不唯繼絕  
兼取其明德可法五代草創載祀不永文章制度一無  
可考上取唐室世數已遠於經不合惟周則我受禪之  
所自義不可廢宜訪求子孫如孔子後衍聖公授一京  
官爵以公號使奉廟饗歲時存問賜之粟帛牲器祭服  
欽定續通典

每遇時祀並從官給其廟宇亦加嚴飾如此則上不失  
繼絕之義度之於今亦簡而易行從之四月詔曰先王  
推紹天之序尙尊賢之義褒其後嗣賓以殊禮豈非聖  
人稽古報功之大典哉國家受命之元繼周而王雖民  
靈欣戴歷數允集而虞賓將遜德美不顯頃者推命本  
始褒及支庶每遇南郊許奏白身一名充班行恩則厚  
矣而義未稱將士采姚姒之舊畧循周漢之典詳其世  
嫡優以公爵異其仕進之路申以田土之錫俾廟寢有  
奉饗祀不輟庶幾乎春秋通三統厚先代之制矣宜令

有司取柴氏譜系於諸房中推最長一人令歲時親奉周室祀事如白身卽與京主簿如爲班行者卽比類換文資仍封崇義公與河南府鄭州合入差遣給公田十頃專管勾陵廟應緣祭饗禮料所須皆從官給如至知州資序卽別與差遣却取以次近親令襲爵授官永爲定式八月太常禮院定到內殿崇班相州兵馬都監柴詠於柴氏諸族最長詔換殿中丞封崇義公僉書奉寧軍節度判官事以奉周祀又以六廟在西京而歲時祭饗無器服之數令有司以三品服一四品服二及所當

欽定續通典

卷七十一

六

用祭器給之神宗熙寧四年西京留守司御史臺司馬光言崇義公柴詠祭祀不以儀式周本郭姓世宗后姪爲郭氏後今存周後則宜封郭氏子孫以奉周祀帝閱奏問王安石安石曰宋受天下於世宗柴氏也帝曰爲人後者爲之子安石曰爲人後於異姓非禮也雖受天下於郭氏豈可以天下之故而易其姓氏所出帝然之五年正月柴詠致仕詠長子早亡嫡孫夷簡當襲太常禮院言夷簡有過合以次子西頭供奉官若訥承襲詔以若訥爲衛尉寺丞襲封崇義公僉書河南府判官廳

公事徽宗政和八年詔曰昔我藝祖受禪於周嘉祐中  
擇柴氏旁支一名封崇義公議者謂不當封周然禪國  
者周而三恪之封不及禮蓋未盡除崇義公依舊外擇  
柴氏最長見在者以其祖父爲周恭帝後以其後世世  
爲宣義郎監周陵廟與知縣請給以示繼絕之仁爲國  
二恪永爲定制

按世宗與恭帝後爲二恪是郭氏子孫終未見錄也司馬光之言惜乎未行

高宗紹興五年詔周世宗元孫柴叔夏爲右承奉郎襲  
封崇義公奉周後二十六年叔夏升知州資序別與差  
遣以子國器襲封令居衢州朝廷有大祀則入侍祠如

欽定續通典

卷七十一

七

故事其柴大有柴安宅亦各補官理宗淳祐九年春正  
月詔周世宗八世孫柴彥穎補承務郎襲封崇義公

按時

又求隋唐及朱氏李氏石氏劉氏郭氏之後及吳越  
荆南湖南蜀漢諸國之子孫皆命以官使守其祠

金太宗天會三年八月遼主延禧入見降封海濱王六

年八月以宋三庶人入見封其父昏德公子重昏侯熙

宗皇統元年二月改封海濱王耶律延禧爲豫王昏德

公趙佶爲天水郡王及齊劉豫  
爲三恪重昏侯趙桓爲天水郡

公十二月天水郡公趙桓乞本品俸詔賙濟之三年八

月詔給天水郡王孫及天水郡公塔俸祿



元世祖至元十三年夏五月布延以宋主熈至上都制授鼎開府儀同三司檢校大司徒封瀛國公

明太祖洪武元年詔封元皇孫瀧達哩巴拉爲崇禮侯七年九月上謂廷臣曰草木無心遇春而茂遇秋而零落氣之所感猶知榮悴况於人乎崇禮侯瀧達哩巴拉南來已五載今已長成豈無父母鄉土之思宜遣之還是厚禮而歸之

天子朝位 五代 宋 遼 金 元 明

後唐明宗天成元年五月詔每月朔望日賜百官廊下

欽定續通典

卷七十一

八

餐

按唐室升平日常叅官每日退朝賜食謂之廊餐自乾符離亂之後祇遇月旦入閣日賜食上初卽位命

百官五日一起居御史中丞李琪以爲非故事請罷之唯每月朔望日入閣賜食至是宣旨朔望入閣外依舊

五日一起居遂爲定式又按葉夢得曰唐以宣政殿爲前殿謂之正衙卽古之內朝也以紫宸殿爲便殿謂之

上閣卽古之燕朝也而外別有含元殿古者天子三朝外朝內朝燕朝外朝在王宮庫門外有非常之事以詢

萬民於宮中內朝在路門外燕朝在路門內蓋內朝以見羣臣或謂之路朝燕朝以聽政猶今之奏事或謂之

燕寢鄭氏小宗伯注以漢司徒府有天子以下大會殿爲周之外朝而蕭何造未央宮言前殿則宜有後殿大

會殿設於司徒府則爲外朝而宮中有前後則爲內朝燕朝蓋去周猶未遠也唐含元殿宜如漢之大會殿蓋

政紫宸乃前後殿其沿習有自來矣方其盛時宣政蓋常朝日見羣臣遇朔望陵寢薦食然後御紫宸旋傳宣

喚仗入閣宰相押之由閣門進百官隨之入謂之喚仗入閣紫宸殿言閣猶古之言寢此御朝之常制也中世

亂離宣政不復御正衙立仗之禮遂廢惟以夔日常朝御紫宸而不設伏敬宗始復修之因以朔望陳仗紫宸以爲盛禮亦謂之入閣誤矣又曰唐正衙曰見羣臣百官皆在謂之常參喚仗入閣百官亦隨以入明唐制天子未嘗不日見百官也其後不御正衙紫宸所見惟大臣及內諸司百官俟朝於正衙者傳閣不坐卽退則百官無復見天子矣敬宗再舉入閣禮之後百官復存朔望兩朝至五代又廢故後唐明宗始置羣臣每五日一隨宰相入見謂之起居時李琪爲中丞以爲非禮請復朔望入閣可復遂以五日羣臣一入見中興便殿爲起居朔望天子一出御文明前殿爲入閣訖

宋因五代之制文武官每日赴文明殿正衙常參宰相一人押班五日起居卽崇德長春二殿中書門下爲班首其長春殿常朝則內侍省都知押班率內供奉官以

欽定續通典

卷七十一

九

下并寄班等先起居次閣門使次三班使臣

節度觀察防禦團練

刺史等子弟充供奉官侍禁

殿直百官令預內朝起居者次內殿當直諸班

殿前指

右班都虞候以下內殿直散直散指揮散都頭金槍班等

次長入祇候東西班殿侍

次御前忠佐次殿前都指揮使率軍校至副指揮使次

駙馬都尉

任刺史以上者綴本班

次諸王府僚次殿前司諸軍使

都頭次皇親將軍以下至直殿次行門指揮使率行門

起居

以上並內侍贊謁

如傳宣前殿不坐卽宰相與樞密使文

明殿學士三司使翰林樞密直學士中書舍人三司副

使知起居注皇城內監庫藏朝官諸司使副內殿崇班

供奉官侍禁殿直翰林醫官待詔等同班入

中書舍人 乾德後始

令赴內朝三司判官太平興國前赴內殿其後罷之止 隨百官五日起居中書舍人知起居注遇五日起居之時亦各 赴外朝 次親王次侍衛親軍馬步軍都指揮使率軍校

至副指揮使次使相次節度使次統軍次兩使留後觀

察使次防禦團練使刺史次侍衛馬軍步軍使都頭起

居畢見謝班入如御崇德殿卽樞密使以下先就班俟

升坐

諸司使副以下至殿直分東西 對立餘皆北向長春殿皆北向

宰相叅知政事最

後入

以上並閣 門贊謁

日止再拜朔望及三日假卽樞密使以

下皆舞蹈國初近侍執事之臣皆赴晚朝後罷之凡早

欽定續通典

卷七十一

十

朝宰相樞密宣徽使起居畢同升殿問聖體宰相奏事

樞密宣徽使退候宰相對畢樞密使復入奏事次三司

開封府審刑院

遇百官起居卽樞密宣徽使侍立俟左 右廵使出卽退其崇德殿三司使文明

樞密直學士內客省使仍侍立舊三司使奏事副使判

官同對其後止副使司之大中祥符九年詔自今有大

事許判官

及羣臣以次升殿 大兩省以上領務京師者 自公事許卽請對自餘受

同上之 使出入要切者欲面

議奏事則先聽進止 其見謝辭官以次入於庭

出使開 散及水

升朝官或止拜於殿門外自秘書監上將軍觀察使內

客省使以上得拜殿前階上及升殿止拜御座前餘皆

庭中

也 凡見者先之謝次之辭又次之

其班次先宰相次 親王次樞密副使

參知政事次內職內臣次使三司學士兩省

惟宰相親

御史臺文武班節使以下次將軍校次雜班

王使相赴崇德殿卽宣徽使通喚餘皆側立候通再拜  
舞蹈致詞辭卽不舞蹈見卽將相升殿問聖體其賜分  
物酒食及收進奉物皆舞蹈稱謝凡收進奉物皆入謝幕職州縣

官謝辭卽判銓官引對兼於殿門外宣辭戒勵凡國有

大慶瑞出師勝捷樞密使率內職軍校入賀致詞閣門

使宣答訖當侍立者升殿次百官入宰相致詞宣徽使

宣答賜酒卽預坐官後入作樂送酒如曲燕之儀凡視

朝退進食食訖易服御崇政殿或承明殿先羣臣告謝

自諫舍知雜御史以上及帶三司官王府僚屬歷官醫

官刺史以上上將軍并發運使轉運使并許焉自非宣

欽定續通典

卷七十一

制並捧官告敕致謝其貴近者或賜坐賜次軍頭引見  
茶餘或改章服卽謝訖易服又告謝再拜

司奏事於殿陛下三班審官院流內銓刑部及諸司

引見官吏後詔審官院引對京朝官奏課不得過三人  
差遣不得過五人三使部選人差遣各不得

過十人如假日起居辭見畢卽移御坐臨軒視事既退復

有羣司奏或閱器物之式謂之後殿再坐太祖建隆二

年八月朔上御崇元殿行入閣儀置待制候對官賜廊

下食按入閣唐制起於天寶明皇以無爲守成詔晏朝  
喚使百官從容至閣門入蓋唐前舍元殿非正至

大朝會不御次宣政殿謂之正衙每坐朝必立仗於正  
衙或御紫宸殿卽喚正衙仗自宣政殿兩門入是謂東

西上閣門故謂之入閣其後遂爲常朝之儀五代以來

既廢正衙立仗而入閣亦希閣不請至是復行之然御

前殿非唐舊矣崇元殿卽大慶殿前殿也待制候對者亦唐制也每正衙待制官兩員正衙退後又令六品以下於廷英候對皆所以備顧問其後每入閣卽有待制次對官後唐天成中廢至是復行之廊下食起唐貞觀其後常參官每日朝退賜食謂之廊餐唐末浸廢但於入閣起居日賜食今循其制

神宗熙寧三年知制誥宋敏求等言文德殿入閣儀制考之國朝會

要與今儀制所載頗或異同按今文德殿唐宣政殿也

紫宸殿唐紫宸殿也然祖宗朝皆嘗御文德殿入閣唐

制常設仗衛於宣政殿或遇上坐紫宸卽喚仗入閣如

此則當御紫宸殿入閣方協舊制請下兩制及太常禮

院詳定詔學士院議翰林學士承旨王瑾等言按入閣

欽定續通典

卷七十一

七

者乃唐隻日紫宸殿受常朝之儀也唐宣政殿卽今文

德殿唐紫宸殿今紫宸殿也唐制天子坐朝必立仗於

正衙若上御紫宸卽喚正衙仗自宣政殿東西閣門入

故爲入閣五代以來遂廢正衙立仗之制今閣門所載

入閣儀者止是唐常朝之儀非爲盛禮不可遵行從之

自是入閣之儀制遂罷敏求又言本朝以來惟入閣乃

御文德殿視朝今旣不用入閣儀卽文德殿遂闕視朝

之禮請下兩制及太常禮院約唐制御宣政殿裁定朔

望御殿儀以備正衙視朝之制詔學士院詳定儀注學

士韓維等以入閣圖增損裁定上議曰朔日不值假前  
五日閣門關諸司排辦前一日有司供帳於文德殿其  
日左右金吾將軍常押本衛仗判殿中省官押細仗先  
入殿庭東西對列文武官等分東西序立諸軍將校分  
入北向立朝堂引贊官引彈奏御史二員入殿門踏道  
當下殿北向立次催文武班分入並東西相向對立諸  
軍將校卽於殿庭北向立班

其班次並御  
史臺祇應

皇帝服靴袍

垂拱殿坐鳴鞭內侍閣門管軍依朔望常例起居次引  
樞密宣徽使三司使副樞密直學士內客省使以下至

欽定續通典

卷七十一

三

醫官待詔及修起居注官二員並大起居皇帝乘輦至  
文德殿後閣門奏班齊皇帝自後閣出殿上素扇升榻  
鳴鞭扇開簾捲儀鑾使焚香喝文武官就位四拜起居  
雞人唱時舍人於彈奏御史班前西向喝大起居御史  
由文武班後至對立位次引左右金吾將軍合班於宣  
制石南大起居班首出班躬奉軍國內外平安歸位再  
拜各歸東西押仗位通喝舍人於宣制石南北向對立  
舍人退於西階次揖宰臣親王以下躬奏文武百僚宰  
臣某姓名以下起居分引宰臣以下橫行諸軍將校仍

舊立閣門使喝大起居舍人引宰臣至儀石北俯伏跪

致詞祝月訖

其詞曰文武百僚宰臣全衛臣某姓名等言孟春之吉伏惟皇帝陛下膺受時祉與

天無窮臣等無任歡呼舞蹈之至

歸位五拜閣門使揖中書由東階升

殿樞密使帶平章事以上由西階升殿侍立

並依給事圖

中一員

以知門下封駁事官充

歸左省位立轉對立於給事中之

南

如罷轉對官每遇御史臺前期牒請文官二員並依轉對官例先於閣門投進奏狀

吏部侍郎

及刑法官立於轉對官之南兵部侍郎於右省班南與

吏部侍郎東西相向立定搢笏各出班籍置笏上

吏部兵部

侍郎以知審官東西院官充刑法官以知審刑大理寺官充

親王使相以下分班出

欽定續通典

卷七十一

十四

引轉對官於宣制石南宣徽使殿上承旨宣答如儀次

吏部兵部侍郎及刑法官對揖出

見謝辭班自從別儀

次彈奏御

史無彈奏對揖出

如有彈奏並如儀

引給事中至宣制石南揖

躬奏殿中無事喝祇候揖西出次引修起居注官次立

排立供奉官以下各合班於宣制石南躬唱祇候揖分

班出喝文武官等門外祇候出索扇垂簾皇帝降座鳴

鞭舍人當殿承旨放仗四色官殿鞞急趨至宣制石南

稱奉敕放仗金吾將軍并判殿中省官對拜訖隨仗出

親王使相節度使至刺史學士臺省官文武百僚諸將

軍校等並序班朝堂謝賜茶酒皇帝御垂拱殿座中書  
樞密及請對官奏事不引見謝辭班後殿座臨時取旨  
其日遇有德音制書御 仍候退御垂拱殿座制箱出

外應正衙見謝辭文武臣僚並依御史臺儀制喚班依  
序分入於文武班後以北爲首分東西相向重行異位  
依見謝辭班序位餘押班臣僚於班稍前押班候刑法  
官對揖出分引近前揖躬舍人當殿宣班引轉對班見  
謝辭並如紫宸殿儀樞密使不帶平章事參知政事至  
同僉書樞密院事宣徽使並立於宣制石稍北宰臣親

欽定續通典

卷七十一

五

王樞密帶平章事使相繫押班者立於儀石南

餘官並立於宣

制石南并合贊喝閣門使

引並如儀贊喝訖中書樞密並揖升殿謝

辭揖西出其合問聖體者並如儀餘官分班出

彈奏御史候見

謝辭班絕對揖出其朝見如謝都城門外御筵及詣赴關謝茶藥無問之類不可合班者各依別班中謝對賜酒食等並門賜其係正衙見門謝辭亦門外喝放應正衙見謝辭臣僚前一日

於閣門投詣正衙榜子閣門下奏曰又投正衙狀於御

史臺四方館應朔日或得旨罷文德殿視朝止御紫宸

殿起居其已上奏曰正衙見謝辭班並放免依官品隨

赴紫宸殿引或值改依常朝文德殿自有百官班日並



如舊儀應外國蕃客見辭候喚班先引起殿庭東邊依

本國職次重行異位立候見謝辭班絕西向躬舍人當

殿通班轉於宣制石南北向立贊喝如儀西出其酒食

分物並門賜如有進奉候彈奏御史出入進奉入

惟御馬及

檐牀自殿西偏門入東偏門出其進奉出入文武官起居舍人通某國進奉宣徽使喝進奉出節次如紫宸殿

儀候進奉出給事中奏殿中無事出其後殿再座合引

出者從別儀其日賜茶酒宰臣樞密於閣子親王於本

廳使相宣徽使觀文殿大學士至寶文閣直學士兩省

官待制三司副使文武官員皇親使相以下至率府副

欽定續通典

卷七十一

六

率及四廂都指揮使以下至副都頭並於朝堂

如朝堂位次不

是卽于朝堂門外序次

管軍節度使至四廂都指揮使節度使兩

使留後至刺史並於客省廳詔依所定徽宗政和三年

九月引進使李端愨言近朔望御文德殿視朝初寒盛

暑數煩清蹕而紫宸之朝歲中罕御請朔日御文德旣

望坐紫宸庶幾正衙內殿朝儀並舉從之十一月侍御

史知雜事滿中行言文德正衙之制尙存常朝之虛名

襲橫行之謬例有司失於申請未能釐正兩省臺官文

武百官赴文德殿東西相向對立宰臣一員押班聞傳

不坐則再拜而退謂之常朝遇休假并三日以上應內殿起居官畢集謂之橫行自宰臣親王以下應見謝辭者皆先赴文德殿謂之過正衙然在京釐務之官例以別勅免參宰臣押班近年已罷而武班諸衛本朝又不常置故今之赴常朝者獨御史臺官與審官待次階官而已今垂拱內殿宰臣以下旣已日參而文德常朝仍復不廢舛謬倒置莫此爲甚至於橫行參假與夫見謝辭官先過正衙雖沿唐之故事然必俟天子御殿之日行之可也高宗紹興十二年臣僚又奏乞明詔有司講

求祖宗故實常朝視朝正衙便殿朝會之儀舉而行之以隆帝業用稱萬邦百辟尊君之心天下幸甚詔令禮部太常寺閤門同共討論尋討論在京月朔日文德殿視朝紫宸殿日參望參垂拱殿日參四參假日崇政殿坐聖節垂拱殿上壽今乞先次宰臣率百僚拜表奏請皇帝御正殿視朝若降指揮許允其合行事務續令逐處條具申請詔從之十一月三日權禮部侍郎王賞等言契勘朝會之制正旦冬至及慶賀受朝係御大慶殿其文德紫宸垂拱殿禮制不同月朔視朝則御文德殿

謂之前殿正衙仍設黃麾半仗其餘紫宸垂拱皆係側殿不設儀仗今來已降指揮依臣僚所請乞降朝會之儀緣元正在近大慶殿之禮事務至多欲乞先舉行文德殿視朝之制其朝會合服朝服并設樂上壽間飲三周設祥瑞表案等并乞候來年冬至前別行取旨詔依從之

遼穆宗卽位詔朝會依嗣聖皇帝故事用漢儀常朝起居儀昧爽臣僚朝服入朝各依幕次內侍奏班齊先引京官班於三門外當直舍人放起居再拜各祇候依次

欽定續通典

卷七十一

六

兩府以下文武官於丹墀內面殿立侍班諸司并供奉官於東西道外相向立定當直閣使副贊放起居再拜各祇候退還幕次公服帝升殿坐兩府并京官丹墀內聲喏各祇候教坊司同北班起居畢奏事燕京就嘉寧殿西京就同文殿朝服以幘頭袍笏公服以紫衫帽正座儀皇帝升殿座警聲絕契丹漢人殿前班畢各依位侍立次教坊班畢捲退京官班入拜畢揖於右橫街西依位班立次武班入拜畢依位立文班入拜畢依位立北班入起居畢於左橫街東序班立次兩府班入鞠躬

通宰臣某官以下起居拜畢引上殿奏事已上六班起居並七拜內有不帶節度使班首止通名亦七拜捲班與常朝同直院有巨人文班留守司三司統軍司制置使謂之京官都部署司宮使副都丞以下令史北面主事以下隨駕諸司爲武官館閣大理寺堂後以下御史臺隨駕間員令史司天臺翰林醫官院爲文官

金熙宗天眷二年詔詳定常朝及朔望儀准前代制以朔日六日十一日十五日二十一日二十六日爲六參日後又定制以朔望日爲朝參餘日爲常朝凡朔望朝

欽定續通典

卷七十一

五

參日百官卯時至幕次皇帝辰刻視朝供御弩手織子直於殿門外分兩面排立司辰入殿報時畢皇帝御殿坐鳴鞭閣門報班齊執擎儀物內侍分降殿階兩旁面南立宿衛官自都點檢至左右親衛祇應官自宣徽閣門祇候先兩拜班首少離位奏聖躬萬福兩拜弩手織子先於殿門外東西向排立俟奏聖躬萬福時卽就位北面山呼聲睹起居畢卽相向對立擎御傘直立左班內侍上都點檢以次升殿副點檢在少南東西相向立左右衛在殿下東西相向立閣門乃引親王班贊班首

名以下再拜訖班首少離位奏聖躬萬福歸位再拜畢  
先退次引文武百僚班首以下應合朝參官并府運六  
品以上官皆左入至丹墀之東西向鞠躬畢閣門通唱  
復引至丹墀閣門贊班首名以下起居舞蹈五拜又再  
拜畢領省宰執升殿奏事殿中侍御史對立於左右衛  
將軍之北少前修起居東西對立於殿欄之內副階下  
餘退右出初帝就坐置寶匣於殿階之上東南角後定  
制師傅起居畢御案始東入置定捧案內侍東西分下  
侍殿隅直日主寶捧寶當殿叩欄奏封前符寶郎及當

欽定續通典

卷七十一

三

監印郎中各一員監當主分令史用印訖主寶吏封受  
主寶俟奏事畢進封訖內侍徹案若常朝則親王班退  
引七品以下職事官分左右班入丹墀再拜班首稍前  
起居畢復位再拜宰執升殿餘官分班退世宗大定二  
年命臺臣定朝參禮五品以上職官趨朝朝服入局洽  
事則展皂自來朝參除殿前班外若遇朔望自七品以  
上職事官皆赴其餘朝日五品以上職事官得赴六品  
以下止於本局司治事如左右司員外郎侍御記注院  
等官職雖不係五品亦赴朝參若拜詔則但有職事及

七品以上散官皆赴朝叅吏員令譯使通事檢法各於本局待官員朝退赴局簽押文字不得於宮內署押七品以下流外職遇朝日亦不合入宮如左右司都事有須合奏事及聽入宮七品以上職事官如遇使客朝辭見日依朔望日皆赴若元日聖節拜詔車駕出獵迎送詣祖廟燒飯但有職事并七品以上散官皆赴凡親王宗室已命官者年十六以上皆隨班赴起居大定五年右諫議大夫伊喇子敬言明安穆昆不得與州鎮官隨班入見非軍民一體之意上是其言責宣徽院令隨班

欽定續通典

卷七十一

三

入見凡班首遇朝叅有故不赴以次押班凡五品以上及侍御史尚書諸司郎中太常丞翰林修撰起居注殿中侍御史補闕拾遺赴召或假一月以上若除官出使之類皆通班入見辭謝除官於殿門外見謝班皆舞蹈七拜辭班四拜門見謝辭並再拜

元世祖中統元年監察御史魏初上疏曰臣聞君猶天也臣猶地也尊卑之禮不可不肅方今內有太常有史官有起居注以譙典禮記言動外有高麗安南使者入貢以觀中國之儀昨聞錫燕大臣威儀弗謹非所以尊

朝廷正上下疏入帝欣納之至元初尙未遑興建宮闕  
凡遇稱賀則臣庶皆集帳前無尊卑貴賤之辨執法官  
厭其喧雜揮杖擊逐之去而復來者數次翰林承旨王  
磐時兼太常卿慮將貽笑外國奏請立朝儀遂如其言  
至元六年太保劉秉忠大司農博爾歡奉詔命趙秉溫  
史杞訪前代知禮儀者肄習朝儀旣而秉忠奏曰一人  
習之雖知之莫能行也得旨許用十人遂徵儒生周鐸  
劉允中尙文岳忱關思義侯祐賢蕭琬徐汝嘉從亡金  
故老烏庫哩居貞完顏復昭完顏從愈葛從亮于伯儀

欽定續通典

卷七十一

三

及國子監祭酒許衡太常卿徐世隆稽諸古典參以時  
宜沿情定制而肄習之百日而畢秉忠及翰林太常奏  
曰今朝儀旣定請備執禮員有旨命丞相安圖大司農  
博爾歡擇蒙古宿衛士可習容止者二百餘人肄之期  
月至七年二月奏以丙子觀禮前期一日布綿蕞於金  
帳殿前帝及皇后臨觀於露階禮文悉無遺失是月立  
侍儀司先是劉秉忠等奏請建官典朝儀帝命與尙書  
省論定以聞至是以呼圖克濟蘇額森璽爲左右侍儀

奉御趙秉溫爲禮部侍郎兼侍儀司事周鐸劉允中爲

左右侍儀使尙文岳忱爲左右直侍儀事關思義侯祐賢爲左右侍儀副使蕭琬徐汝嘉爲僉左右侍儀事烏庫哩居貞爲承奉班都知完顏復昭爲引進副使葛從亮爲侍儀署合子伯儀爲尙衣局大使八年夏四月侍儀司奏請制內外仗如歷代故事從之秋七月內外仗成遇八月帝生日號曰聖壽聖節用朝儀自此始九年定受宣勅官禮儀二十一年右丞相率百官奉玉冊玉寶上尊號曰憲天體道仁文義武大光孝皇帝諸王百官朝賀如朔旦儀順帝元統二年十月正內外官朝會

欽定續通典

卷七十一

三

儀班次依品從蘇天爵奏曰朝覲會同國家大體班制儀式不可不肅夫九品分官所以著尊卑之序四方述職所以同遠近之風蓋位序尊嚴則觀望隆重朝廷典憲莫大於斯邇年以來朝儀雖設版位品秩率越班行均爲衣紫從五與正五雜居共曰服緋七品與六品齊列下至八品九品莫不皆然夫旣踰越班制遂致行立不端因忘肅敬之心殊失朝儀之禮今後朝賀行禮聽讀詔赦先儘省部院臺正從二品衙門次諸司局院各驗職事散官敘列正從班次濟濟相讓與與而行如有



踰越品秩差亂位敘者同失儀論以懲不恪庶幾貴賤  
有章儀式不紊上尊朝廷之典禮下聳中外之觀瞻又  
馬祖常曰百官朝見奏事古有朝儀今國家有天下百  
年典章文物悉宜燦然光於前代况欽遇列聖文明之  
主如科舉取士吏員降等之類屢復古制唯朝儀之典  
不講而行使後世無以鑒觀則於國家太平禮樂之盛  
實爲闕遺且夫羣臣奏對之際御史執簡史官執筆縉  
紳佩玉儼然左右則雖有懷奸利乞官賞者亦不敢公  
出諸口如蒙聞奏命中書省會集文翰衙門官員究講  
欽定續通典

卷七十一

三

之福也  
參酌古今之宜或三日二日一常朝則治道昭明生民

明太祖洪武三年定朔望朝儀凡朔望日上皮弁服御  
奉天殿百官公服於丹墀東西對立俟引班引合班北  
面立再拜班首詣前同百官鞠躬唱某官臣某起居贊  
禮唱聖躬萬福班首平身復位同百官皆再拜引班引  
百官分班仍對立省府臺部官諸衙門有事奏者由西  
階陞殿奏事畢降自西階引班引百官以次出如無事  
奏則侍儀由西階陞殿跪奏如之俟侍儀降階引班導

百官出

按洪武初凡早朝文官自左掖門入武官自右掖門入如華蓋殿朝至鹿頂外東西序立鳴鞭

訖守衛官至鹿頂內行禮訖就侍立位各衙門官以次行禮訖有事奏者入奏無事奏者四品以上及應陞殿者入殿內侍立五品以下官出至鹿頂外列班北向立候鳴鞭以次出如奉天殿俱朝於華蓋殿行禮奏事畢五品以下官詣丹墀依品級列班重行北向立四品以上及翰林院官給事中監察御史等官于中左中右門伺候鳴鞭各詣殿內序立候退朝捲班以次出如先於奉天殿朝後却奏事者文武官於丹墀內依品級重行北向立候鳴鞭行禮訖四品以上及翰林院官給事中監察御史等官陞殿侍立五品以下仍前序立候謝恩見辭人員行禮訖鳴鞭捲班退有事奏者於奉天門或華蓋殿進奏無事奏者以次出

十四年定

凡朔望日文武百官各具朝服俟鼓三嚴公侯一品二

品官入東西角門俟其餘三品以下先於丹墀內班橫

欽定續通典

卷七十一

三

行序立鐘三鳴公侯一品二品以次入班序立鐘鳴畢

儀禮司奏外辦導駕官導上出陞御座鳴鞭訖鳴贊唱

班齊通贊詣中道班首臣某等起居聖躬萬福畢百官

行五拜禮儀禮司奏禮畢而退十七年令百官凡遇朔

望免行起居禮後更定朔望日上御奉天殿百官各具

公服行禮常朝官序立於丹墀東西相向謝恩見辭官

序立於奉天門外北向候上陞座鳴鞭鴻臚寺贊排班

樂作常朝官行一拜三叩頭禮畢樂止復班鴻臚寺奏

謝恩見辭於奉天門外行五拜三叩頭禮畢鳴鞭駕輿

二十二年令奉天殿常朝五府六部都察院通政司大理寺錦衣衛等官於殿內侍立奏事止於華蓋殿二十四年定侍班官員凡文武官除分詣文華殿啟事外如遇陞殿各用履鞮照依品級侍班有違越失儀者從監察御史儀禮司糾劾東班則六部堂上官各部堂掌印官都察院堂上官十三道掌印御史通政司大理寺太常寺太僕寺應天府翰林院春坊光祿寺欽天監尙寶司太醫院五軍斷事官及京縣官西班則五軍都督及首領官錦衣衛指揮各衛掌印指揮給事中中書舍人

欽定續通典

卷七十一

美

是年令禮部置百官朝班序牌大書品級列丹  
暉左右木柵之上文武百官照品序立侍班 令朝參

將軍先入近侍官員次之公侯駙馬伯又次之五府六部又次之應天府及在京雜職官員又次之二十六年令公侯序於文武班首次駙馬次伯自一品而下各照品級文東武西依次序立風憲糾儀官居下朝北紀事官居文武第一班之後稍近上便於觀聽不許攙越如有奏事須要從班末行至御前跪奏不許於班內橫過奏畢卽便入班序立成祖永樂初令內閣官員侍朝立

在金臺東錦衣衛在西後移下貼御道東西對立景泰

帝三年令師保兼官品同者立班以衙門爲次

景泰初定凡午

朝上御左順門先期內官設御座於左順門之北設案稍南文武執事奏事等項官員俱於左掖門外伺候駕出視朝各官照班次序立內閣并五府六部奏事官六科侍班官俱於案西序立侍班御史二員序班二員將軍四員俱於案南面北立鴻臚寺鳴贊一員於案東向西立錦衣衛鴻臚寺堂上官於奏事官班以次面東立管將軍官并侍衛官立於將軍之西五府六部等衙門官照依衙門次第出班奏事通政司官照依常例引入奏事三法司官遇有奏事俱隨班其常日答應內刑部大理寺郎中等官各一員答應都察院侍班御史答應其餘衙門官有事者分管答應鴻臚寺官贊奏事畢徹案各官退如各衙門另有機密重事許赴御前具奏

英宗天順三年奏准凡方面官入朝遞降京官一班序

立憲宗成化十四年令朝參官員遇鼓起時俱於左右

欽定續通典

卷七十一

三

掖門外拱候東西班次照依衙門品級序其進士各照辦事衙門次序立於見任官後凡糾舉失儀洪武初令

百官有未嫻禮儀新任及諸武臣聽侍儀司官每日於

午門外演習御史二員監視有不如儀者糾舉百官入

朝失儀者亦糾舉如律世宗嘉靖九年令常朝官叩頭

畢內閣官於東陛錦衣衛官於西陛各以次陞立於寶

座之東西錦衣衛官在司禮監官之南遇有欽差官及

外國人等領勅翰林院詹事府左右春坊司經局堂上

官輪流一人捧勅立於內閣官之後稍上候領勅官面

辭捧勅官下立於御前候承旨訖由左陛而下循御道  
邊行授與領勅官仍回至本班立神宗萬曆三年題准  
常朝該日記注起居史官四員列於東班各科給事中  
之上稍前以便觀聽四年議准五府都督官常朝班次  
不當入候伯班仍照殿班立於錦衣衛官之後稍上待  
錦衣衛堂上官詣金臺邊北司官於臺下各侍立仍與  
南北司無執事官同班而序於其上十一年令於金水  
橋邊增設序班三員北向站立俟東西兩班站定各於  
班末熟視有回顧耳語咳嗽吐唾者即時糾舉其京堂  
欽定續通典 卷七十一 三

四品以上翰林院學士及領勅官俱不面糾十二年議  
令吉服朝參日期除祭祀齋戒不面糾外其餘照常糾  
儀又令叅將見朝在京營者照京官儀不贊跪在外者  
照外官儀贊跪失儀俱面糾

天子三公及諸侯卿大夫士等贊

臣等謹案杜典載天子以下執贊儀物上溯虞典

五玉之文下及周記禮幣之制經傳所載三代典

章略畧可見兩漢以降封建之制不行玉帛冠裳

非復五等來賓之儀歷三公卿監以下聯班分等

約以公侯卿士之遺法漢儀魏典往往得其一二  
焉第儀物不詳制度莫究所自漢氏之公卿執贄  
僅見於正會禮文援引所及未竟其言其稍可考  
者獨曹魏青龍二年高堂隆請時制畧擬周官尙  
存典則故杜典缺漢而著魏制自後茫然無可據  
拾矣今按唐宋元明史志若會要典禮諸篇凡朝  
儀覲典皆無執贄明文不可強爲附益故著其說  
如右仍存其篇目以備考鏡

信節

宋 遼 金 元 明

欽定續通典

卷七十一

元

臣等謹按杜典信節篇全錄周官掌節之文而以  
漢代銅虎符及符印使節諸名附注其下亦倣鄭  
注引漢制釋經之例也自周以後缺而不載今驗  
史志舊文若符璽制度當歸輿服徵發期會多屬  
兵家其賓禮使節之條雖偶見旁文而不詳體制  
杜氏之刊落不載有以哉惟趙宋而後國信往來  
鄰國之文頗著今約採其有補於賓禮者附著於

後

宋神宗熙寧四年詔中外奉使除文臣兩省武臣橫行

已上不以職務緊慢餘官如使外國接送伴體量安撫制勘之類給奉使印餘給銅記以奉使朱記爲名先是臣僚差使不以官序高下職務慢緊例給奉使印而令式節文非劇司者記故密院有請也 九年禮部

言政和令奉使官第二等以上給印餘給記差出者遇替移事故元借印記隨所在寄納本部歲終檢舉拘收而寄納州縣占留給借無以防之乃詔有司立法應州縣寄納禮部印記非奉朝旨不許擅行給借

遼制有木契正面爲陽背面爲陰閣門喚仗則用之朝賀之禮宣徽使請陽面木契下殿至於殿門以契授西

欽定續通典

卷七十一

三

上閣門使云授契行勘勘契官聲喏跪受契舉手勘契同俯伏興鞠躬奏內外閣門使云准勅勘契行勘勘契

官執陰面木契聲喏平身立少退近後引聲云軍將門

仗官齊聲喏勘契官云內出喚仗木契一隻准勅付左

右金吾仗行勘勘契官合不合門仗官云合凡再勘契

官云同不同門仗云同亦再勘契官近前鞠躬奏勘官

左金吾引駕仗勾畫都知某官某對御勘同平身少退

近後右手舉契云其契謹付閣門使進入閣門使引聲

喏門仗官下聲喏勘契官跪以契授閣門使上殿納契

宣徽使授契閣門使下殿奉勅喚仗其木箭之制內箭爲雄外箭爲雌皇帝行幸則用之還宮勸箭官執雌箭東上閣門使執雄箭如勸契之儀

金穆宗之世諸部長各刻信牌交互馳驛訊事擾人太祖定議自非穆宗之命擅制牌號者寔重法自是號令始一收國二年九月始制金牌後又有銀牌木牌之制蓋金牌以授萬戶銀牌以授明安木牌則穆昆佛寧所佩者也

元世祖中統三年賜夔州行省楊大淵金符十銀符十

欽定續通典

卷七十一

五

九賞麾下將士別給海青符二事有急速馳以上聞至元十五年追江南工匠官虎符八月中書省臣言近有旨追諸路管民官所授金虎符其江南路臣宜仍所授從之閏十一月羅施鬼國西南番玉並內附詔各爲其地安撫使佩虎符十二月都掌蠻夷及其屬內附詔以其長爲安撫使賜虎符餘授宣勅金銀符有差十九年勅出使人還不卽以所給符上與有司不卽收者皆罪之二十三年給金齒國使臣圓符二十八年南丹州莫國麟入覲授國麟安撫使三珠符成宗大德四年賜



雲南王緬國十五驛驛給圓符四驛券二十

明太祖洪武十五年製使節黃色三簷寶蓋長二尺黃紗袋籠之又置丹漆架一以節置其上使者受命則載以行使歸則持之以復命二十三年詔考定使節之制禮部奏漢光武時以竹爲節柄長八尺其毛三重而黃公紹韻會注漢節柄長三尺毛三重以旄牛爲之詔從三尺之制

欽定續通典

卷七十一

三

欽定續通典卷七十一

欽定續通典卷七十二

禮

臣等謹案杜典述重禮較諸禮爲畧蓋以軍禮自

田獵大射而外其用之邦國者典不常舉儀亦最

簡也夫周官因田賦以出兵而儀禮不備其文後

世養兵之制多屬一時權宜儀文之畧有由來矣

然大刑用甲兵而古者必裁之以禮此大易所謂

以此毒天下而民從之也宋人立國本弱親征大

閱諸制徒爲繁縟遼金元因其國俗用兵動合機

欽定續通典

卷七十二

一

宜行師肄武因事以定爲禮制簡而易行明初於

田獵大閱諸制間有修舉至中葉而紀綱不振營

制亦紊矣今據諸史禮志兵志營衛志之言軍禮

者自親征祭告以及時儺以次類纂其散見於帝

紀及續通鑑諸書者兼采以補史志所未備焉

天子諸侯將出征類宜造禡並祭所過山川

宋

遼元明

宋太宗征河東出京前一日遣右贊善大夫潘慎修出

郊用少牢一祭蚩尤禡牙遺著作佐郎李巨源卽北郊

望氣壇用香柳枝燈油乳粥酥蜜餅果祭北方天王太平興國五年十一月太常禮儀院言車駕北征請出宮前一日遣官祭蚩尤及禡牙於地並用少牢祭北方天王於北郊迎氣壇從之仍遣內侍一人監祭咸平中詔太常禮院定禡儀所司除地爲壇兩壘繞以青繩張帷帟置軍牙大纛位版版方七寸厚三分祭用剛日具饌牲用太牢以羊豕代其幣長一丈八尺軍牙以白大纛以皂都部署初獻副都部署亞獻部署三獻皆戎服清齋一宿將校陪位禮畢焚幣費鼓以一牢又擇日祭馬

欽定續通典

卷七十二

二

祖馬社

遼皇帝親征儀常以秋冬應敵制變或無時將出師必先告廟乃立三神主祭之曰先帝曰道路曰軍旅刑青牛白馬以祭天地其祭常依獨樹無獨樹卽所舍而行之或皇帝服介冑祭諸先帝宮廟乃閱兵將行牝牡麋各一爲禴祭將臨敵結馬尾祈拜天地而後入下城克敵祭天地牲以白黑羊班師以所獲牡馬牛各一祭天地出師以死囚還師以一謀者植柱縛其上於所向之方亂射之矢集如蝟謂之射鬼箭景宗乾亨二年十月

辛巳將南伐祭旗鼓聖宗統和六年九月癸卯祭旗鼓  
元憲宗七年詔諸王出師征宋夏六月謁太祖行宮祭  
旗鼓

明太祖洪武元年閏七月詔定軍禮中書省臣會儒臣  
言古者天子親征所以順天應人除殘去暴以安天下  
自黃帝習用干戈以征不享此其始也周制天子親征  
則類於上帝宜於大社造於祖廟薦於所征之地及祭  
所過山川師還則奏凱獻俘於廟社後魏有宣露布之  
制唐仍舊典宋亦間行焉於是歷考舊章定爲親征禮

欽定續通典

卷七十二

三

奏之前期擇日祭告天地宗社皇帝服武弁乘革輅備  
六軍具牲幣作樂皆行三獻禮其儀與大祀同又於國  
南神祠行禱祭禮凡所過山川嶽鎮海瀆用太牢其次  
少牢又次特牲若行速止用酒脯祭器籩豆各一前期  
齋一日皇帝服通天冠絳紗袍省牲視滌祭之日服武  
弁行一獻禮其禱祭儀制皇帝及大將陪祭官皆齋一

日前一日皇帝服通天冠絳紗袍省牲詣神厨視鼎鑊  
滌漑執事設軍牙六纛於廟中之北軍牙東六纛西籩  
豆十二簋簋各二鈎登俎各三設瘞坎位於神位西北

設席於坎前上置酒碗五雄雞五餘陳設如常儀祭日  
建牙旗六纛於神位後皇帝服武弁自左南門入至廟  
廷南正中北向立大將及陪祭官分支武重行班於後  
迎神再拜奠幣行初獻禮先詣軍牙神位前再詣六纛  
神位前俱再拜亞獻終獻如之惟初獻讀祝詣飲福位  
再拜飲福受胙又再拜掌祭官徹豆贊禮唱送神復再  
拜執事官各以祝幣掌祭官取饌詣燎所太常奏請望  
燎執事殺雞刺血於酒碗中酌神燎半奏禮畢駕還若  
遣將則於旗纛廟壇行三獻禮大將初獻諸將亞獻終  
獻

欽定續通典

卷七十二

四

獻永樂八年二月以親征祓於承天門遣官祭太歲旗  
纛之神八月丁未遣官祭旗纛又嘉靖十八年南巡遣  
官祭旗纛之神用牲醴制帛三獻如常儀

輓祭

臣等謹案輓祭之禮起於周天子將出師大馭掌  
馭玉輅以祀及犯輓自是以後唯後周及隋唐用  
之唐以後其禮久廢明成祖時雖嘗舉行而儀文  
不備茲不復續纂

天子諸侯四時田獵

唐

五代

宋遼

金

唐德宗貞元十一年十二月上獵苑中戒多殺止行三  
驅之禮勞士而還穆宗長慶二年獵於咸陽又獵於驪  
山會昌二年十一月獵於白鹿原

後唐莊宗同光中屢畋於伊闕明宗天成二年畋於東  
郊

晉高祖天福八年畋於近郊出帝開運七年畋於戚城  
宋太祖建隆二年始校獵於近郊先出禁軍爲圍場五  
坊以鷲禽細犬從帝親射走兔三從官貢馬稱賀其後  
多以秋冬或正月田於四郊從官或賜窄袍煖鞞親王  
欽定續通典

卷七十二

五

以下射中者賜焉太宗將北征因閱武獵近郊以多盜  
獵狐兔者命禁之有衛士奪人獐當死帝曰若殺之後  
世必謂我重獸而輕人特貰其罪帝嘗以臘日校獵論  
從臣曰出狩以從時令緩轡從禽是非荒也回幸講武  
臺張樂賜羣臣飲其後獵西郊親射走兔五詔以古者  
蒐狩以所獲之禽薦享宗廟而其禮久廢今可復之遂  
爲定式真宗時詔教駿所養鷹鷂以備諸王從時展禮  
仁宗時臣僚言校獵之制所以順時合訓戎事請修此  
禮於是詔樞密院奏定制度獵日五鼓帝御內東門賜

從官酒三行奏鈞容樂幸瓊林苑門賜從官食遂獵於  
楊村宴於幄殿奏教坊樂遣使以所獲馳薦太廟既而  
召父老臨問賜以飲食茶絹及五坊軍士銀絹有差宰  
相賈昌朝等曰陛下暫幸近郊順時田獵取鮮殺而登  
廟俎所以昭孝慎也卽高原而閱軍實所以講武事也  
問耆老而賜飲食所以養老也勞田夫而賜惠所以勸  
農也乘輿一出而四美皆具伏望宣付史館從之明年  
復獵於城南東韓村自玉津園去輦乘馬分騎士數千  
爲左右翼節以鼓旗合圍場徑十餘里部隊相應帝按  
欽定續通典

卷七十二

六

轡道中親挾弓矢屢獲禽仍召父老存問欽宗靖康後  
不復講

遼國俗以畜牧射獵爲業獵無常時地無定所太祖七  
年次烏林觀魚九年射魚於漠北神冊中射虎於東山  
射龍於伊喇山陽水上天贊中獵於雅爾蘇都勒幹山  
觀漁於烏勒呼河天顯中墮鷹於近山蒐於潢水之曲  
會同以後如射柳射鹿射鴨釣魚每歲舉行焉四時各  
有行在之所謂之巴納春曰鴨子河溲皇帝正月上旬  
起牙帳約六十日方至天鷲未至卓帳水上鑿冰取魚

水泮乃縱鷹鷂捕鷺雁晨出暮歸從事弋獵鴨子河濼東西二十里南北三十里在長春州東北三十五里四面皆沙澗多榆柳杏林皇帝每至侍御皆服墨綠色衣各備連鎚一柄鷹食一器刺鷺雉一枝於灤周圍相去各五七步排立皇帝冠巾衣時服繫玉束帶於上風望之有鷺之處舉旗探騎馳報遠泊鳴鼓鷺驚騰起左右圍騎皆舉幟麾之五坊擎進海東青鷗拜授皇帝放之鷗擒鷺墜勢力不加排立者舉錐刺鷺取腦以飼鷗救鷗人例賞銀絹皇帝得頭鷺薦廟羣臣各獻酒菓舉樂

欽定續通典

卷七十二

七

更相酬酢致賀語皆插鷺毛於首以爲樂賜從人酒徧散其毛弋獵網釣春盡乃還夏巴納無常所多在圖爾山道宗每歲先幸黑山拜聖宗興宗陵賞金蓮乃幸子河避暑圖爾山在黑山東北三百里近饅頭山黑山在慶州北十三里上有池池中有金蓮子河在圖爾山東北三百里懷州西上有清涼殿爲行幸避暑之所四月中旬起牙帳卜吉地爲納涼所五月末旬六月上旬至居五旬與北南臣僚議國事暇日遊獵七月中旬乃去秋巴納曰伏虎林在永州西北五十里嘗有虎據林傷



害居民畜牧景宗領數騎獵焉虎伏草際戰慄不敢仰視上舍之因號伏虎林每歲車駕至皇族而下分布灤水側伺夜將半鹿飲鹽水令獵人吹角效鹿鳴旣集而射之謂舐齠鹿又名呼鹿冬巴納曰廣平淀在永州東南三十里本名白馬淀東西二十餘里南北十餘里地甚坦夷四面皆沙磧木多榆柳其地饒沙冬月稍暖牙帳多於此坐冬與南北大臣會議國事時出校獵講武兼受南宋及諸國禮貢皇帝牙帳以槍爲硬寨用毛繩連繫每帳下有黑傘以庇衛士風雪槍外小氈帳一層

欽定續通典

卷七十二

八

每帳五人各執兵仗爲禁圍又定獵儀於十二月辰日前期一日詔司獵官選獵地其日皇帝皇后焚香拜日畢設圍命獵夫張左右翼司獵官奏成列皇帝皇后升輦車多囉倫穆騰以酒二尊盤殮奉進北南院大王以下進馬及衣皇帝降輿祭東畢乘馬入圍中皇太子親王率羣官進酒分兩翼而行皇帝始獲兔羣臣進酒上壽各賜以酒至中食之次親王大臣各進所獲及酒訖賜羣臣酒還宮其服飾皇帝幅巾環甲戎裝以貂鼠或鷲頂鴨頭爲扞腰蕃漢諸司使以上並戎裝皆左衽黑

綠色

金世宗大定三年十二月獵於近郊所獲薦山陵白是歲以爲常章宗明昌元年制諸王任外路者許游獵五日過此禁之又遣諸王出獵毋越本境其從獵之服春水以鶻捕鷺雜花卉爲飾秋水以熊鹿山林爲文

元制自御位及諸王皆有鷹人是故捕獵有戶使之致鮮食以供宗廟天庖而齒革羽毛又皆足以備用然地有禁取有時而違者則罪之春冬之交天子或親幸近郊縱鷹隼捕擊之以爲遊豫之度謂之飛放故鷹房捕

欽定續通典

卷七十二

九

獵皆有司存世祖中統三年禁京畿田獵至元元年禁上都畿內捕獵七年七月命達魯噶齊烏蘭哈達給上都扈從吹獵糧十年九月遼東饑弛獵禁戊子禁五百里內射獵己丑敕自今秋獵鹿豕先薦太廟成宗大德元年禁民間捕鷹鷂命諸阿濟格自今出獵悉自供具毋傷民力

明成祖永樂十年十月獵於城南武岡二十年五月車駕度偏嶺命將士獵於道傍山下上顧從臣曰士卒隨朕征討道中唯吹獵可以馳馬揮戈振揚武士作其驍

勇之氣宣宗宣德四年獵於谷口英宗天順二年上校  
獵南苑苑在京城南二十里苑中有按鷹臺一名瞭臺  
旁有三海皆元之舊也

大閱 唐五代宋遼金元明

臣等謹案杜典有出師儀制而揚兵講武附焉其  
書本未載出師之儀悉敘各代閱兵講武之典今  
考各代正史及會要會典諸書皆未特載出師儀  
制大約所謂儀制者即親征之禮也今改曰大閱  
而以各代閱兵之禮纂序於左

欽定續通典 卷七十一 十一

唐肅宗至德二載八月大閱乾元元年正月大閱諸軍  
於含元殿庭上御棲鸞閣觀之寶應元年九月大閱兵  
馬於鳴鳳門街

梁太祖開平元年冬十月講武於繁臺四年春正月講  
武於榆林乾化元年八月大閱於興安鞠場十月大閱  
於魏東郊

唐天祐十有五年八月大閱於魏東郊明宗天成二年  
十月御輿教門觀兵自卯至午隊伍方絕

晉高祖天福二年十月勅習戰講武歷代通規選士練

兵其采舊制宜以每年農隙時講武仍准令式處分開  
運元年正月講武於澶淵二年二月大閱於戚城

周世宗顯德元年三月次澤州閱兵於北郊

宋太祖征伐四方親講武事故不盡用定儀亦不常其  
處鑿講武池朱明門外以習水戰復築講武臺城西楊  
村秋九月大閱與從臣登臺觀焉真宗詔有司擇地舍  
輝門外之東武村爲廣場置臺臺上設屋構行宮其夜  
三鼓殿前侍衛馬步諸軍分出諸門詰旦帝乘馬從官  
並戎服賜以窄袍至行宮諸軍陣臺前左右相向步騎

欽定續通典

卷七十一

十一

交屬亘二十里諸班衛士扈從於後有司奏成列帝升  
臺東向御戎帳召從臣坐觀之殿前都指揮使王超執  
五方旗以節進退於兩陣中起候臺相望使人執旗如  
臺上之數以相應初舉黃旗諸軍旅拜舉赤旗則騎進  
舉青旗則步進每旗動則鼓馘士譟聲震百里外皆三  
挑乃退次舉白旗諸軍復再拜呼萬歲有司奏陣堅而  
整士勇而厲欲再舉詔止之遂舉黑旗以振旅軍於左  
者畧右陣以還由臺前出西北隅軍於右者畧左陣以  
還由臺前出西南隅並凱旋以還乃召從臣宴教坊奏

樂回御東華門閱諸軍還營鈞容奏樂於樓下復召從臣坐賜飲明日又賜近臣飲於中書諸軍將校飲於營中內職飲於軍器庫諸班衛士飲於殿門外神宗閱左藏庫副使开斌所教牌手於崇政殿乃命殿前步軍司擇驍健者依法教習自是管屯及更戍諸軍畿甸三路民兵皆隨伎藝召見親閱焉凡閱試禁衛戍軍民兵總率第其精粗賜以金帛而超等高者至命爲吏選官其典領者優加職秩孝宗乾道二年幸候潮門外教場次幸白石教場應從駕臣僚自祥曦殿並戎服起居從駕

欽定續通典

卷七十一

十一

後幸白石教場皇帝登臺三衙統制統領官等起居畢舉黃旗諸軍皆二呼萬歲拜訖三衙管軍奏報取旨馬軍上馬打圍教場舉白旗三司馬軍首尾相接舉紅旗向臺合圍聽一金止軍馬各就圍地作圓形排立射生官兵隨鼓聲出馬射獐兔一金止疊金射生官兵各歸陣隊舉黃旗射生官兵就御臺下獻所獲帝遂慰勞賜賚諸將鞍馬金帶以及士卒四年殿前司言相視龍王堂北江岸以東茅灘一帶平地可作教場已修築將臺將來三司馬步軍並合全裝披帶衣甲執色器械至日

先赴教場下營排辦俟駕登臺金鼓起居畢依資次  
變陣教閱所有聖駕出郊除禁衛外欲於本司入陣馬  
軍內摘差護聖馬軍八百人騎弓箭器械作十六隊於  
前後儀衛引從各分八隊隊各五十人往回沿路各奏  
隨軍鼓笛大樂及摘差本司入教陣隊內諸軍步親隨  
一千人并統領將官三員至日先赴將臺下各分左右  
於後壁周圍留空地三十步以容禁衛分作三重環立  
其日車駕至灘上諸軍前一日於教場東列幕宿營是  
日三衙管軍與各軍統領將佐導駕乘馬至護聖步軍

欽定續通典

卷七十二

三

大教場更御甲冑至灘上皇帝登臺三衙起居畢權主  
管殿前司王達奏三司人馬齊舉黃旗諸軍呼拜者三  
達奏從頭教閱中軍鳴角倒門角旗出營馬步軍簇隊  
成收鼓訖連三鼓馬軍上馬步人撮起旗鎗四鼓舉白  
旗中軍鼓聲旗應變方陣爲備敵之形別高一鼓步軍  
四向作禦敵之勢且戰且前馬軍出陣作戰鬪之勢別  
高一鼓各分歸地分五鼓舉黃旗變圓陣爲自環內固  
之形如前節次訖三鼓舉赤旗變銳陣諸軍相屬魚貫  
斜列前利後張爲衝敵之形亦依前節次訖王達奏人

馬教絕取旨舉青旗變放教直陣收鼓訖一金止重鼓  
三馬軍下馬步人齟落旗槍皆應規矩帝大悅犒賞倍  
之士卒歡呼謝恩如儀鳴角聲簇隊訖放教步人分東  
西引拽馬軍交頭於御臺下隨隊呈試驍銳大刀武藝  
繼又進呈軍炮火烟槍及楮山打圍射生馬步軍統制  
官蕭鷓巴以所獲獐鹿等就御臺下進獻人馬拽絕皇  
帝復御常服乘馬至車子院宣喚殿前司撥發官馬定  
遠侯彥昌等各賜馬一匹彥昌仍自準備將特升副將  
進御酒上並賜達酒其時重定大閱儀制皇帝至祥曦

殿行門禁衛等並戎服迎駕常起居皇帝至知閣門官  
以下並戎服常起居訖皇帝乘馬出從駕官從駕至候  
潮門外大教場御幄殿下馬入幄更衣訖皇帝被金甲  
出幄行門禁衛等迎駕奏萬福皇帝乘馬至教場臺下  
馬升臺入幄從駕官宰執親王使相正任知閣御帶環  
衛官升臺於幄殿分東西相向立管軍並令全裝衣甲  
帶御器械執骨朶升臺於幄殿稍南面西立俟入內官  
喝排立皇帝出幄行門禁衛等迎駕奏萬福皇帝出閣  
門分引殿前馬步三司統制統領官常起居訖次三司

將佐以下聽鼓聲常起居次殿前帥執骨朶赴御座前  
奏教直陣俟教閱畢再赴御座前奏教圓陣俟閱畢再  
赴御座前奏教銳陣俟教閱畢再赴御座前奏教閱畢  
歸侍立內侍傳旨與殿前太尉某諸軍謝恩承旨訖轉  
與撥發官引三司統制統領將佐再拜謝恩訖各歸本  
軍皇帝起入幄更衣訖皇帝出幄皇帝坐舍人引宰執  
整後立俟進御茶床舍人贊就坐宰執躬身應喏訖直  
身立就坐進第一盞酒起立整後俟皇帝飲酒訖舍人  
贊就坐躬身應喏訖直身立俟宰執酒至接盞飲酒訖

盞付殿侍次舍人贊食並如儀至第四盞傳旨宣勸訖  
御藥傳旨不拜舍人承旨贊不拜贊就坐第五盞宣勸  
如第四盞儀酒食畢舉御茶牀舍人分引宰執於幄殿  
重行立御藥傳旨不拜舍人承旨訖揖宰執躬身贊不  
拜各祇候直身立降踏道歸幕次皇帝起乘馬至車子  
院門樓上出賜親王酒再拜謝訖次賜使相正任并管  
軍知閣御帶環衛官酒訖一班再拜謝訖俟皇帝觀畢  
降車子院門樓歸幄親王以下退皇帝乘馬出車子院  
門行門禁衛等迎駕奏萬福皇帝乘馬至候潮門外大



教場應從駕官並戎服乘馬從駕回皇帝乘馬入和寧門至祥曦殿上下馬還宮其後淳熙四年大閱於茅灘十年大閱於龍山十六年大閱於城南教場並如前儀寧宗慶元二年大閱於茅灘嘉泰二年幸候潮門外教場大閱

遼太宗天顯元年十二月閱旗鼓二年正月乙酉閱北寇兵籍庚辰閱南寇兵籍丁巳閱皮室伊喇摩哩三軍四年十月幸諸營閱軍籍庚戌以雲中郡未平大閱六年會同三年五月閱騎兵於南郊六月閱步卒於南郊

欽定續通典

卷七十二

六

七年十二月南伐次古北口閏月閱諸道兵於溫榆河九年八月自將南伐九月閱諸道兵於漁陽西棗林淀聖宗統和元年十月上將親征高麗閱東京留守耶律穆濟所摠兵馬

金世宗大定二十二年三月命尙書省申勅西北路招討司勒明安穆昆督部人習武備二十六年九月上謂宰臣曰西南西北兩路招討司地隘明安人戶無處圍獵不能閑習騎射委各明安穆昆官依時教練其弛慢過期及不親監視並決罰之章宗承安四年九月詔訓

練軍士

出官軍營於檢閱處各出安武門至閱武門外

元世祖至元十五年六月詔蒙古人總漢軍閱習水戰  
武宗至大四年十月勅諸衛漢軍練習武事仁宗延祐  
七年十一月遣使閱實各行省戍兵

太諭堂上及南

明宣宗宣德四年十月帝將閱武郊外命都督府整兵  
文武各堂上一員屬官一員扈從正統間或閱於近郊  
於西苑不著令穆宗隆慶二年大學士張居正言祖宗  
時有大閱禮乞親臨校閱兵部引宣宗英宗故事請行  
之命於明年八月舉行及期禮部定儀前期一日皇帝

欽定續通典

卷七十二

七

常服告於內殿行四拜禮如出郊儀司禮監設御幄於  
將臺上總協戎政大臣巡視科道督率將領軍兵預肅  
教場至日早遣官於教場祭旗燹之神三大營官軍具  
甲仗將官四員統馬兵千扈駕文臣各堂上官科道掌  
印官禮兵二科禮部儀制司兵部四司官糾儀監察御  
史鴻臚寺供事官武臣都督以上錦衣衛堂上及南鎮  
撫司掌印僉書官俱大紅便服關領扈從牙牌懸帶先  
詣教場是日免朝錦衣衛備鹵簿皇帝常服乘輦由長

安左門出官軍導從鉦鼓震作出安定門至閱武門外

總協戎政官率大小將佐戎服跪迎入將臺下北向序立駕進闕武門內中軍舉號砲三各營鉦鼓震作扈從官序立於行宮門外駕至門降輦兵部官導行入宮鳴金止鼓候升座扈從官行一拜禮傳賜酒飯各官謝恩出將臺下東西序立兵部官奏請大閱兵部鴻臚寺官導駕登臺舉砲三京營將士叩頭畢東西侍立總協戎政官立列於扈從官之北諸將列從官之南兵部尚書奏請令各戎整搦人馬臺上吹號笛麾黃旗總協戎政及將佐等官各歸所部兵部尚書請閱陣舉砲三馬步

官軍演陣如常法演畢復吹號笛麾黃旗將士俱回營少頃兵部尚書請閱射總協戎政官以下及聽射公侯駙馬伯錦衣衛等官俱於臺下較射馬三矢步六矢中的者鳴鼓以報御史兵部官監視紀錄把總以下及家丁軍士射府部大臣並御史兵部官於東西廳較閱鎗刀火器等藝聽總協戎政官量取一隊於御前呈驗兵部尚書奏大閱畢臺下舉號旗總協戎政官及諸將領俱詣臺下北向序立鴻臚寺官奏傳制贊跪宣制訖贊叩頭各官先退出門外贊扈從官行叩頭禮禮畢駕回

行宮少憩扈從等官趨至門內立皇帝升輦中軍舉砲  
三各營皆鼓吹鹵簿及馬兵導從如來儀鉦鼓與大樂  
相應振作總協戎政以下候駕至叩頭退馬兵至長安  
左門外止鹵簿大樂至午門外止駕還仍詣內殿參謁  
如前儀百官不扈從者各吉服於承天門外橋南序立  
送駕還迎如之次日總協戎政以下表謝百官侍班行  
稱賀禮如常儀兵部以將士優劣及中箭多寡教練等  
第奏聞越二日皇帝御皇極門賜勅勉勵將士總協戎  
政官捧至綵輿將士迎導至教場開讀行禮如儀是日  
欽定續通典

卷七十二

九

卽行賞賚并戒罰有差次日總協戎政官率將吏復謝  
恩詔如議行駕還樂奏武成之曲神宗萬曆九年大閱  
如隆慶故事

臣

等謹按明太祖洪武時屢命元勳宿將練兵而

其制未定成祖永樂中嘗較閱六師又勅秦晉周

肅諸王各選護衛軍五千命官督赴真定操練陝

西甘肅寧夏大同遼東諸守將及中都留守河南

等都司徐宿等衛遣將統馬步軍分駐真定德州

操練候赴京閱視是并閱各省之兵也而其時禮

儀未備景泰後立十團營置總理協理軍營戎政之官始制大閱之禮然其典亦不數舉云

命將出征

宋明

宋命將出征儀受旌節前一日儀鸞司設大將次於朝堂其日大將常服入就次執事設褥位於東上閣門外階下設制誥箱於褥位之前少西持旌節者少南謁者引大將至就褥位北面立揖東上閣門官宣有勅大將再拜躬聽口宣訖摺笏謁者二人持箱進於大將之前大將受訖次少府監執事者交旌節大將俛伏興再拜

欽定續通典

卷七十二

三

摺笏舞蹈又再拜訖出文德殿門次端禮門入右昇龍門出宣德西偏門大將勒所部兵衛并偏將裨將各建旗以正行列執擎旌節并押節人騎士槍牌步兵樂工等分左右前導至第引見之日大將常服入就殿門外次舍人引詣殿庭進當殿陞北面立揖大將再拜興奏聖躬萬福又再拜引大將稍前躬致詞歸位再拜西出少頃舍人再拜再引大將詣殿庭進當殿陞北向再拜訖引至東階揖升殿近御前之左大將奏事稟方畧訖降東階下殿再拜西出其造廟前期太史擇日太常寺

具時日告諸司前告二日儀鸞司設告官以下次於常所設大將次於南門之外道東西向前一日質明告官以下赴祠所清齋行事執事官並集告官齋所肄儀太祝習讀祝文祇禮饌香幣次贊者引監察御史南向西上開瘞坎於西階之東北向方深取足容物設望瘞位于瘞坎之南告官大將北向監察御史東向奉禮郎太祝大官令位於其後西上光祿卿位於監察御史之東北向又設監察御史之位於殿上之西東向奉禮郎太祝於東西向北上大官令於酒尊所北向告日未明大

官令率其屬實饌具畢引光祿卿入定位贊者曰再拜光祿卿再拜升自西階點祇禮饌畢次引監察御史升殿點闔陳設糾察不如儀者光祿卿還齋所餘官各服祭服引告官大將以下詣東神門外虛一揖位禮直官贊揖訖贊者引監察御史奉禮郎太祝大官令先入就位立定祠祭官於殿上贊奉神主次引宮闈令入室搢笏於祔室內奉神主設於座執笏退復執事位祠祭官於殿上贊奉神主訖禮直官稍前贊有司謹具請行事贊者曰再拜在位者皆再拜引監察御史奉禮郎太祝

大官令升就位立定次引告官詣盥洗位北向立搢笏  
盥手執笏升詣僖祖室神位前搢笏跪三上香引奉禮  
郎搢笏西向跪執事者以幣授奉禮郎奉禮郎卽以幣  
授告官訖執笏興詣次室以候告官受幣奉奠訖執笏  
俛伏興再拜訖引告官以次詣翼祖宣祖太祖太宗眞  
宗仁宗英宗神宗哲宗室奉奠並如上儀降復位少頃  
引告官再詣盥洗位北向立搢笏盥洗闋禮饌畢退還  
齋所未後一刻大官令率宰人以鸞刀引牲遂烹牲脯  
後有司帥其屬清掃廟門之內外告日前三刻禮直官

贊者諸司職掌各服其服贊者先引宮闈令入詣殿庭  
北向再拜升殿開室訖太常陳幣篚於神位之左祝版  
於神位之右置於殿香爐并合置於案上次設祭器藉  
以席光祿實之每位左十有二籩爲四行以右爲上右  
十有二豆爲四行以左爲上俎二一在籩前一在豆前  
又俎六在豆右爲三重以北爲上一在胙俎之北槃一  
在室戶外之左甌以二一在劍之前一在籩之左鉶三  
在甌之後籩豆之間簠簋各一在籩豆外二俎間簠在  
左簋在右設犧牲罇置於坵加勺幕置諸戶前楹間北

向太常設燭於神位前洗二於東階之東壘在洗東加勺篚在洗西南肆實以巾執壘篚者於其後又設虛揖位於齋宮內道南及東神門外告官大將在南北向監察御史奉禮郎太祝大官令在北盥手脫手執笏詣爵洗位北向立搢笏洗爵拭爵以爵授執事者搢笏升詣僖祖神位前搢笏跪執事官以爵授告官告官執爵跪三祭酒奠爵執笏俛伏興出室戶外北向少立太祝搢笏於室戶外之右東向跪讀祝文訖執笏興復位告官再拜訖引告官以次詣翼祖宣祖太祖太宗真宗仁宗

英宗神宗哲宗室酌獻並如上儀降復位禮直官曰賜胙贊者曰再拜告官大將以下皆再拜祠祭官於殿上贊奉神主入祔室引宮闈令搢笏奉神主入祔室訖次引告官大將詣望瘞位有司詣神位前取祝幣置於瘞坎次引監察御史奉禮郎太祝降望瘞位立定禮直官曰可瘞置土半坎引告官以下復詣東神門外虛揖位對立禮直官贊禮畢揖訖大官令帥其屬徹禮饌監察御史升殿監眡收訖徹訖退宮闈令闔戶以降太常藏祝於匱若凱旋祭告惟陳俘馘及軍實於南門之外北



面東上其告禮並如上儀

明太祖洪武元年中書省臣會官議奏王者遣將所以討有罪除民害也今定遣將禮皇帝武弁服御奉天殿大將入就丹墀四拜由西陞入殿再拜跪承制官宣制以節鉞授大將軍大將軍受之以授執事者俛伏興再拜出降陞復位四拜駕還宮大將軍出至午門外勒所部將士建旗幟鳴金鼓正行列擎節鉞奏樂前導百官以次送出造廟宜社之禮卽命大將軍具牲幣行一獻禮與遣官祭告廟社儀同其告武成王廟儀前二日大

欽定續通典

卷七十二

三

將省牲祭日大將於幕次僉祝版入就位再拜詣神位前上香奠帛再拜進熟酌獻讀祝再拜詣位再拜飲福受胙復再拜徹豆望燎其配位亦大將行禮兩廡陪祀諸將分獻

宣露布

後唐

宋

遼

明

後唐莊宗爲晉王時擒幽州劉守光命掌書記王緘草露布以練新劉仁恭父子凱歌入於晉陽獻於太廟宋太祖平蜀孟昶降詔有司約前代儀制爲受降禮昶至前一日設御座仗爲於崇元殿如元會儀至日大陳

馬步諸軍於天街左右設昶及其官屬素案席褥於明德門外表案於橫街北通事舍人引昶及其官屬素服紗帽北向序立昶跪捧表授閣門使復位待命表至御前侍臣讀訖閣門使承旨出昶等俯伏通事舍人掖昶起官屬亦起宣制釋罪昶等再拜呼萬歲賜襲衣冠帶陳於前昶等又再拜跪受改服乘馬至昇龍門下馬官屬至啟運門下馬就次帝常服升坐百官先入起居班立閣門使引昶等入舞蹈拜謝召昶升殿閣門使引自東階升宣撫使承旨安撫之昶至御座前躬承問訖還

位與官屬舞蹈出中書率百官稱賀遂宴近臣及昶於大明殿嶺南平劉鋹就擒詔有司撰獻俘禮鋹至上御明德門列仗衛諸軍百官常服班樓前別設獻俘位於東西街之南北向其將校位於獻俘位前北上西向有司率武士係鋹等白練露布前引至太廟西南門鋹等並下馬入南神門北向西上立監將校官次南面立俟告禮畢於西南門出乘馬引至大社如上儀乃押至南御路之西下馬立俟獻俘將校戎服帶刀攝侍中版奏中嚴百官班定版奏外辦帝常服御坐百官舞蹈起居

畢通事舍人引銀就獸俘位將校等詣樓前舞蹈訖次引露布案詣樓前北向宣付中書門下如宣制儀通事舍人跪受露布轉授中書門下轉授攝兵部尚書次攝刑部尚書詣樓前跪奏以所獻俘授有司上召銀詰責銀伏地待罪詔誅其臣龔澄樞等特釋其縛與其弟保興等罪仍賜襲衣冠帶鞞笏器幣鞍馬各服其服列謝樓下百官稱賀畢放仗如儀南唐平帝御明德門露布引李煜及其子弟官屬素服待罪初有司請如獻劉鋹禮帝以煜奉正朔非若銀拒命寢露布弗宣遣閤門使

欽定續通典

卷七十二

三

承制釋之太宗征太原劉繼元降帝幸城北陳兵衛張樂宴從臣於城臺繼元帥官屬素服臺下遣閤門使宣制釋罪召繼元親勞之從臣詣行宮稱賀時以在軍中故不備禮繼元至京師詔告獻太廟前一日所司陳設如常告廟儀告日祭明博士引太尉就位通事舍人引繼元西階下東向立其官屬重行立贊者贊太尉再拜訖博士引就盥爵如常儀詣東階解劍脫烏升第一室進奠再拜太祝跪讀祝文訖又再拜通事舍人引繼元官屬詣室前西階下北向立舍人贊云皇帝親征收復

河東僞主劉繼元及僞命官見贊者曰再拜訖退位次至第二第三第四第五室皆如第一室博士引太尉降階佩劍納履復位贊者曰再拜太尉與繼元等皆再拜退焚祝版於齋坊繼元既命以官故不稱俘焉哲宗元符二年西蕃王隆贊邈川首領轄戩等降詔具儀注以受降日御宣德門設諸班直上四軍仗衛諸軍素服陳列降者各服蕃服以見審問訖有旨放罪依等第賜首服袍帶百官稱賀御紫宸殿賜宴會哲宗崩樞密院留隆贊等西京聽旨詔罷御樓立仗但引見於後殿隆贊

一班契丹公主一班夏國回鶻公主次之轄戩一班必斯布結并族屬次之應族屬首領各從其長以次見僧尼公主皆蕃拜並賜冠服謝訖賜酒饌橫門外政和初議禮局上受降儀皇帝乘輿升宣德門樓降輿坐御幄百官與降王蕃官各班樓下如大禮肆赦儀東上閣門以紅條袋班齊脾引升樓樓上東上閣門官附內侍承旨索扇扇合帝卽御坐簾卷內侍又贊扇開侍衛如常儀諸班親從并裏圍降王人等迎駕自贊常起居次舍人贊執儀將士常起居次管幹降王使臣并隨行舊蕃

官常起居次禮直官舍人引百官橫行北向贊者曰拜  
在位官皆再拜舞蹈三稱萬歲又再拜班首奏聖躬萬  
福又再拜退百官各就東西位舍人引降王服本國衣  
冠詣樓前北向女婦少西立僧又少西尼立於後入內  
省官詣御坐前承旨傳樓上東上閣門官承旨錄訖以  
紅條袋降制樓下東上閣門官承旨退降王以下俯伏  
東上閣門官至令通事舍人掖之起首領以下皆起鞠躬  
閣門宣有勅降王以下再拜僧尼止躬呼萬歲閣門  
錄勅旨付管幹官降王等躬聽詰問如有復奏閣門錄

訖仍以紅條袋引升樓如無復奏入內省官詣御坐承  
旨傳樓上閣門官稱有勅放罪訖舍人贊謝恩降王以  
下再拜稱萬歲復序立入內省官詣御座承旨傳樓上  
閣門官稱有勅各賜首服袍帶樓下閣門官承旨引所  
賜擔床陳於西舍人宣曰有勅降王以下再拜鞠躬舍  
人稱各賜某物畢又再拜稱萬歲若賜官卽贊謝再拜  
並歸次易所賜服舍人先引降王以下至授遙郡以上  
當樓前北向東上立贊再拜稱萬歲又再拜次贊服冠  
帔婦女再拜僧尼別謝引還次贊樓上侍立官稱賀再

拜禮直官舍人分引百官橫行北向立贊拜訖班首小  
前俛伏稱賀其詞中書隨事撰述賀訖復位在位者又  
再拜舞蹈三稱萬歲又再拜東上閣門官進詣樓前承  
旨就班首宣曰有制贊者曰拜在位官皆再拜宣答其  
詞學士院隨事撰述又贊再拜三稱萬歲又再拜樓上  
樞密院前跪奏稱某官臣某言禮畢內侍索扇扇合簾  
垂帝降坐內侍贊扇開所司承旨放仗樓下鳴鞭百官  
再拜退

遼制下城克敵班師以所獲牡馬牛各一祭天地

欽定續通典

卷七十二

三

明太祖洪武四年蜀夏明昇降表至京師太祖命中書  
集議受降禮省部請如宋太祖受蜀主孟昶故事擬明  
昇朝見曰皇帝御奉天門昇等於午門外跪進待罪表  
侍儀使捧表入宣表官宣讀訖承制官出傳制昇等皆  
俯伏於地侍儀舍人掖昇起其屬官皆起跪聽宣制釋  
罪昇等五拜三呼萬歲承制官傳制賜衣服冠帶侍儀  
舍人引昇入丹墀中四拜侍儀使傳旨昇跪聽宣諭俯  
伏四拜三呼萬歲又四拜出百官行賀禮帝以昇年幼  
事由臣下免其叩頭伏地上表請罪禮唯命昇及其官

屬朝見百官朝賀其奏凱獻俘之儀凡親征師還皇帝率諸將陳凱樂俘馘於廟南門外社北門外告祭廟社行三獻禮同出師儀祭畢以俘馘付刑部協律郎導樂以退皇帝服通天冠絳紗袍升午門樓以露布詔天下百官具朝服以聽儀與開讀詔赦同大將奏凱儀先期大都督以露布聞內使監陳御坐於午門樓上前楹設奏凱樂位於樓前協律郎位於奏凱樂北司樂位於協律郎南又設獻俘位於樓前少南獻俘將校位於其北刑部尚書奏位於將校北皆北向又設刑部尚書受俘

位於獻俘位西東向設露布案於內道中南向受露布位於案東承制位於案東北俱西向宣露布位於文武班南北向至日清晨先陳凱樂俘馘於廟社門外不奏歌曲俟告祭畢復陳樂於午門樓前將校引俘侍立於兵仗之外百官入侍立位皇帝常服升樓侍衛如常儀大將於樓前就位四拜諸將隨之退就侍立位贊奏凱樂協律郎執麾引樂工就位司樂跪請奏凱樂協律郎舉麾鼓吹振作徧奏樂曲樂止贊宣露布承制官以露布付受露布官引禮引詣案跪受由中道南行以授宣

露布官宣訖付中書省頒示天下將校引俘至位刑部  
尚書跪奏曰某官某以某處所俘獻請付所司奏訖退  
復位其就刑者立於西廂東向以付刑官其宥罪者樓  
上承制官宣旨有勅釋縛樓下承旨釋訖贊禮贊所釋  
之俘謝恩皆四拜三呼將校以所釋俘退如有所賜就  
宣旨賜之大將以下就拜位舞蹈山呼如常儀班前稍  
前跪稱賀致詞訖百官復四拜禮畢還宮後定制凡大  
捷擇日以宣其且不奏事百官吉服賀卽日遣官薦告  
郊廟中捷以下止宣捷不祭告慶賀成祖永樂四年定

欽定續通典

卷二十二

三

凡捷兵部官以露布奏聞大將在軍則進露布官行禮  
次日行開讀禮第三日行慶賀禮餘如前儀

欽定續通典卷七十二





